

आकाशवाणी

पैहले खास-खास खबरां:-

1. प्रधानमंत्री नरेन्द्र मोदी होरें आखेआ ऐ जे भारत दे तेजिया कन्नै विकसित भरोसेमंद अर्थबवस्था ते विश्वसनीय “विश्व शक्ति बनने च मुख्य पैहले” आहला सिद्धांत प्रेरक बल रेआ ऐ।
2. राष्ट्रपति द्रौपदी मुर्मू होर अज्ज संज्ञा राष्ट्रपति भवन च आयोजित दुए नागरिक अलंकरण समारोह च पद्म पुरस्कार भेंट करडन।
3. उत्तर प्रदेश सरकार नै लखनऊ च अगग लग्गने आहली घटना दे मददेनजर 4 अधिकारियें गी निलंबित कीता ते 4 आरोपी गिरफ्तार कीते न।
4. यूरिया/डाई-अमोनियम फॉस्फेट ते सल्फर लेइए आवा रदे 4 भारतीय माल वाहक जहाजें होर्मुज जल डमरु मध्य गी सफलतापूर्वक पार करी लैता- आखेआ रसायन ते उर्वरक मंत्रालय नै।
5. दोहा स्थित भारतीय दूतावास नै दस्सेआ जे कतर दे रास लाफान क्षेत्र च होए दे हादसे च 12 भारतीय नागरिक मार गे न।
6. ते FIH Pro League दे शुरुआती मुकाबले च अज्ज भारतीय मर्दे दी हॉकी टीम दा मुकाबला पाकिस्तान कन्नै होग।

<><><><><><>

PM -Nation First

प्रधानमंत्री नरेन्द्र मोदी होरें आखेआ ऐ जे भारत दे तेजिया कन्नै बरोस करै करदी भरोसेमंद अर्थबवस्था ते विश्व शक्ति बनने च “राष्ट्र सभ्भनें शा पैहले” आहला

सिद्धांत प्रेरणा दी बुनियादी शक्ति आहला लेखा कम्म करदा रेहा ऐ। कल नमीं दिल्ली च इक प्राइवेट मीडिया हाउस दे सम्मेलन गी सम्बोधित करदे होई प्रधानमंत्री होरें आखेआ कि सब्भने दा भरोसा- स्थिरता ते समूलची दुनिया दे हितें लेई भारत दी वचनबद्धता पिच्छले इक दहाके दौरान भारत दिएं ज्यादातर उपलब्धियें दा मजबूत आधार रेहा ऐ। जी-7 सम्मेलन च भारत दी शमूलियत दा जिक्र करदे होई प्रधानमंत्री होरें आखेया कि विश्व नेताएं राष्ट्रीय हितें गी तरजीह देने दी भारत दी अटल प्रतिबद्धता गी समझेया ऐ। भारत दा एह नजरिया देश दिएं नीतियें ते विकास एजेंडे गी मूर्त रूप दिंदा आया ऐ। सरकार दे 12 बरे दे कम्में ते उपलब्धियें दा जिक्र करदे होई मोदी होरें आखेआ कि “स्वच्छ भारत -नेशन फसर्ट- मेक इन इंडिया” खादी ते मकामी उत्पादें गी बढ़ावा देना जनेइएं पैहलकदमियें च कामयाबी दे पिच्छे देशवासियें दा राष्ट्र दे प्रति समर्पण भाव दा बी अहम रोल रेहा ऐ। उ’नें दस्सेआ जे 25 करोड़ दे कोलकाल लोकें गरीबी रेखा कोला उप्पर आए न- जेहदे’नै आर्थिक गतिविधियें गी बी बढ़ावा थोआ ऐ। उ’नें आखेआ कि गरीबें ते दबोए लतड़ोए दे तबके दी बेहतरी सरकार दी पेहली तरजी रेही ऐ।

<><><><><><>

Prez- Padma Award s

राष्ट्रपति द्रोपदी मुरमू होर 2026 बरे दे पदम सम्मान दे दुए अलंकरण समारोह च अज्ज राष्ट्रपति भवन च पदम पुरस्कार भेंट करगंन। अज्जै दे समारोह च कुल 65 लोकें गी सम्मान भेंट कीता जाहग- जिंदे च 2 पदम विभूषण/ 4 पदम भूषण ते 56 पदम श्री शामिल न। अज्ज एह सम्मान हासल करने आहले च टेनिस खड़दारी विजय

अमृत राज- अभिनेता यमूती पार्श्व गायक अलका यागनिक ते क्रिकेटर रोहित शर्मा शामिल न।

<><><><><><>

Fire Acc Lucknow

लखनऊ च अग्ग लग्गने आहले हादसे च पुलिस नै फौरी कारवाई करदे होई 6 लोकें खिलाफ मामला दर्ज कीता ऐ ते इन्दे चा 4 गी कल रातीं गिरफ्तार करी लैता गेआ। अलीगंज दे इक एनिमेशन कोचिंग सेंटर च होए दे इस हादसे च 15 विद्यार्थी मार गे ते 9 घायल होई गे। मुख्यमंत्री योगी आदित्यनाथ हुंदे निर्देश पर लखनऊ विकास प्राधिकरण अग्निशमन विभाग ते विधुत विभाग दे 4 अधिकारियें गी मुअतल करी दिता गेआ। अलीगंज पुलिस नै भारतीय न्या संहिता ते उत्तर प्रदेश अग्नि सेवा अधिनियम दी सरबन्धी दफाए तैहत 6 आरोपिणं ते किश होरनें लोकें खिलाफ FIR दर्ज कीती ऐ। सरकार नै इस मामले दी उच्च सतह दी जांच करने लेई आखेआ ऐ। एदे आस्तै खास जांच दल कायम कीता गेआ ऐ जेड़ा 7 दिनें दे अंदर-अंदर अपनी रिपोर्ट जमा करोआग।

<><><><><><>

NSA Doval –China Wang

राष्ट्रीय सुरक्षा सलाहकार अजीत डोभाल होरें कल नमीं दिल्ली च 16मीं ब्रिक्स राष्ट्रीय सुरक्षा सलाहकारें दी बैठक दौरान चीन दे विदेश मंत्री वांग यी हुंदे कन्ने दपक्खी गल्लबात कीती। बैठक च दौनें मुख्यें दे सरबन्धें गी सामान्य बनाने आहली पेठा होई दी प्रगति- आपसी सहयोग दे महत्वपूर्ण मुद्दें पर चर्चा होई। डोभाल होरें आखेआ जे

भारत ते चीन बश्कार स्थिर- भरोसेमंद ते सकारात्मक सरबंध दोनै मुख्यें बश्कार बसाह-भरोसा ते बेहतर समझ गी मजबूत करने च मदद करडन। विदेश मंत्रालय दे प्रवक्ता रणधीर जायसवाल होरें दस्सेआ जे बैठक दौरान दोनै पक्खें हाल दी घटनाएं दी समीक्षा कीती ते सकारात्मक सरबंधें दी दिशा च होई दी प्रगति पर संदोख जाहिर कीता।

<><><><><><>

India -Morocco

भारत ते मोरक्को बश्कार आतंकवाद रोधी संयुक्त कार्य समूह दी दुई बैठक कल नमीं दिल्ली च होई। बैठक दी सह- अध्यक्षता विदेश मंत्रालय च संयुक्त सचिव डाक्टर विनोद बाहड़े ते मोरक्को दे राष्ट्रीय न्यायिक पुलिस ब्रिगेड दे प्रमुख हिशाम बाली होरें कीती। बैठक च दोनै मुख्यें आतंकवाद दे सारे रुपे ते गतिविधियें- खास करी बन्ने पारा आतंकवाद दी सख्त निंदेया कीती। दोनै पक्खें पहलगाम आतंकवादी हमले ते नमीं दिल्ली दे लाल किले कश होई दी आतंकवादी घटनाएं दी बी निन्देया कीती। विदेश मंत्रालय नै दस्सेआ दोनै मुख्यें सूचना सांझा करने- क्षमता निर्माण ते बेहतर कार्य प्रणालियें दे आदान-प्रदान दे माध्यम राएं आतंकवाद खिलाफ दपक्खी सहयोग गी होर मजबूत करने दे उपाएं पर चर्चा कीती।

<><><><><><>

Hormuz Cargo Ship

यूरिया/डाई-अमोनियम फॉस्फेट ते सल्फर लेइए आवाफरदे 4 भारतीय मालवाहक जहाजें पिच्छले हफते होर्मुज जल डमरु मध्य गी सफलतापूर्वक पार करी लैता ऐ। रसायन ते

हैलें सरबंधी मंत्रालय मूजब एह ज्हाज हुन मुल्ख दी बक्ख-बक्ख बंदरगाहें आहले भेठा बदा'रदे न। इंदे च आंध्र प्रदेश/ ओडिशा ते गुजरात दे बंदरगाह शामिल न। मंत्रालय नै दस्सेआ ऐ जे मुल्ख दा उर्वरक भंडार 196 लक्ख टन ऐ। पिच्छले बरे इस्सै अवधि तगर एह आंकड़ा 168 लक्ख टन हा। मंत्रालय मूजब आवा'रदे उर्वरकें दी खेप कन्नै मुल्ख च मौजूदा उर्वरक भंडार मता समृद्ध होग ते करसाने गी लाह होग.

<><><><><><>

Indian Embassy Qatar Incident

दोहा स्थित भारतीय दूतावास ने दस्सेआ ऐ जे कतर दे अधिकारियें रास लाफान खेतर च ऐतवार रातीं होए दे हादसे च 12 भारतीय नागरिकें दी तस्दीक कीती ऐ। दूतावास नै सोशल मीडिया पोस्ट च सोगी परोआर प्रति संवेदना जाहिर कीतियां। दूतावास मुताबक घटना च घायले सब्बे लोकें गी लोड़चदी मैडिकल उपचार मिला रदा ऐ। विदेश मंत्री डाक्टर सुब्रह्मण्यम जयशंकर होरें भारतीय नागरिकें सनें बाकी लोकें दी मौत पर डूंगा बसोस जाहर कीता ऐ। इक सोशल मीडिया पोस्ट च विदेश मंत्री होरें आखेआ ऐ जे दोहा स्थित भारतीय दूतावास कतर दे अधिकारियें दे कन्नै लगातार सम्पर्क च न ते भारतीय नागरिकें दे परोआरें गी मदद पुजाने दा जतन करा'रदे न।

<><><><><><>

India FIH Pro

FIH प्रो लीग दे शुरुआती मुकाबले च अज्ज भारतीय मर्दे दी हॉकी टीम दा मुकाबला पाकिस्तान कन्नै होग। 2024 च चीन च आयोजित एशियाई चैम्पियन्स ट्रॉफी मगरा एह भारत ते पाकिस्तान बश्कार पैहला मुकाबला होग। 2024 च होए दे मुकाबले च

भारत नै 2-1 कन्नै जित हासल कीती ही। भारत दी टीम नै कल FIH प्रो लीग दे रॉटरडैम गेड़ च अपने खीरी मैच च नीदरलैंड गी 3-2 कन्नै हराया। भारत दी भेठा दा जुगराज सिंह- अभिषेक ते राजिंदर सिंह नै गोल कीते।

<><><><><><>

US Open Badminton

कैलिफोर्निया च अज्जै थमां शुरु होआ रदे अमरीकी ओपन सुपर बैडमिंटन च लक्ष्य सेन ते तनवी शर्मा भारत दी अगुआई करडन। लक्ष्य सेन मर्दे दे सिंगल्स दे पैहले दौर च बेल्जियम दे जूलियन कैरागी कन्नै खेडोग। किदांबी श्रीकांत अपने पैहले दौर दे मुकाबले च चीनी ताइपे दे लियाओ झूओ-फू दा सामना करडन। गैर वरीयता प्राप्त सानीत दयानंद जापान दे युदाई ओकि-मोतो खिलाफ अपना अभियान शुरु करडन- जिसले कि एस. शंकर मुथु सामी सुब्रमण्यम राउड ऑफ 32 च इक क्वालीफायर खडारी कन्नै मुकाबला करडन। महिला सिंगल्स च भारत दे 7 खडारी मुख् ड्रा च शामिल न। 17 बरें दी तनवी शर्मा जर्मनी दी यवोन ली खिलाफ खेड्दे होई अपने अभियान दी शुरुआत करडन। महिला डबल्स च ट्रीसा जॉली ते गायत्री गोपीचंद पैहले दौर च स्पेन दी पाउला लोपेज़ ते लूसिया रोड्रिगेज़ दा सामना करडन।

<><><><><><>

Weather

मौसम विभाग नै अगले 2 दिनें तगर असम- मेघालय- पच्छिम बंगाल दे उप हिमालयी क्षेत्र ते सिक्किम च बड़ी मती बरखा पौने दा अनुमान जाहिर कीता ऐ। बिहार/ अरुणाचल-प्रदेश/ तटवर्ती कर्नाटक/ मध्य महाराष्ट्र/ गोवा/ ओडिशा/ तेलंगाना/ केरल ते पूर्वोत्तर

क्षेत्र च बी ऐसी गै स्थिति रहोग। हरियाणा/ पंजाब/ चंडीगढ़/ दिल्ली/ उत्तराखंड/ आंध्र प्रदेश/ छत्तीसगढ़/ गुजरात/ तमिलनाडू/ अंडमान निकोबार द्वीप समूह/ जम्मू-कश्मीर ते लद्दाख च वीरवारें तगर तेज हवा चलने ते गरज कन्नै बरखा पौने दा अनुमान ऐ। विदर्भ/ पूर्वी उत्तर प्रदेश ते छत्तीसगढ़ च अज्ज तेज गर्म हवा चली सकदी ऐ। मन्नार दी खाड़ी-बंगाल दी खाड़ी दे किश हिस्से च ते पश्चिम बंगाल दे गांगेय क्षेत्र च अज्ज 60 किलोमीटर फीह घंटे स्हाबै हवा चलने दी मेद ऐ।

<><><><><><>